

**CONTOH SENARIO 1 – INDIVIDU/KUMPULAN**

- Perkhidmatan *Social Media Influencer* (SMI) untuk mempromosikan penjualan Nombor Plat Eksklusif UTeM di media sosial.
  - 1.1 *Encik Nazz Abdullah merupakan seorang Social Media Influencer (SMI) yang telah dikenal pasti bagi melaksanakan promosi penjualan nombor plat eksklusif UTeM melalui Media Sosial. Encik Nazz Abdullah merupakan pakar dalam industri permotoran dan mempunyai ramai “follower” di media sosial. Encik Nazz Abdullah tidak berdaftar dengan Kementerian Kewangan Malaysia. Kos bagi perkhidmatan yang diberikan beliau adalah sebanyak RM30,000.00.*
  - 1.2 *Berdasarkan nilai kos yang dinyatakan, pemohon perlu melaksanakan kajian pasaran bagi perolehan ini bagi memastikan harga tawaran yang dikemukakan oleh Encik Nazz Abdullah adalah berpatutan.*
  - 1.3 *Setelah kajian pasaran dilakukan, ia perlu melalui Jawatankuasa Penilaian (kerana melebihi RM20,000) dan Jawatankuasa Penilaian perlu melaksanakan penilaian dan perakuan akan jumlah bayaran yang dikenakan dan memastikan syarat-syarat lain yang ditetapkan dipatuhi. Jawatankuasa ini juga perlu sedaya upaya membuat perbandingan harga di pasaran bagi memastikan kadar yang dikenakan adalah berpatutan. Setelah itu, perakuan oleh Jawatankuasa Penilaian perlu dibawa kepada Pihak Berkuasa Melulus iaitu Jawatankuasa Sebut Harga Bekalan, Perkhidmatan dan Kerja Universiti untuk pertimbangan dan kelulusan.*
  - 1.4 *Jawatankuasa Sebut Harga Bekalan, Perkhidmatan dan Kerja Universiti akan meneliti dan mempertimbangkan permohonan yang dikemukakan berdasarkan perakuan oleh Jawatankuasa Penilaian.*
  - 1.5 *Urusan pentadbiran kontrak selepas lantikan:*
    - a. *Surat Setuju Terima perlu dikeluarkan kepada Encik Nazz Abdullah sebagai ikatan perjanjian di antara Universiti dengan Encik Nazz Abdullah untuk perkhidmatan yang akan diberikan.*
    - b. *Pesanan Tempatan perlu dikeluarkan kerana Encik Nazz Abdullah merupakan Individu/ Kumpulan tanpa naungan syarikat dengan nilai perolehan tersebut adalah melebihi RM20,000.*
    - c. *Manakala Bon Pelaksanaan dan Dokumen Kontrak adalah dikecualikan untuk perolehan ini.*

**CONTOH SENARIO 2 – GOLONGAN SASAR**

- Perkhidmatan Persatuan Pelajar Kolej Kejururawatan untuk program sukarelawan Kemasukan Pelajar Ke Kampus Sepanjang Perintah Kawalan Pergerakan.
  - 1.1 *Persatuan Pelajar Kolej Kejururawatan telah dikenal pasti golongan sukarelawan untuk membantu pengurusan Universiti dalam proses menguruskan kemasukan pelajar ke kampus sepanjang tempoh Perintah Kawalan Pergerakan. Golongan Sasar ini tidak berdaftar dengan Kementerian Kewangan Malaysia tetapi berdaftar dengan Persatuan Sukarelawan Covid-19. Kos bagi perkhidmatan yang diberikan oleh sukarelawan adalah sebanyak RM200,000.00 bagi peralatan yang digunakan untuk tujuan ujian Covid-19, elaun dan makan minum sukarelawan.*
  - 1.2 *Berdasarkan nilai kos yang dinyatakan, pemohon perlu melaksanakan kajian pasaran bagi perolehan ini bagi memastikan harga tawaran yang dikemukakan oleh golongan sasar ini adalah berpatutan.*
  - 1.3 *Setelah kajian pasaran dilakukan, ia perlu melalui Jawatankuasa Penilaian (kerana melebihi RM20,000) dan Jawatankuasa Penilaian perlu melaksanakan penilaian dan perakuan akan jumlah bayaran yang dikenakan dan memastikan syarat-syarat lain yang ditetapkan dipatuhi. Jawatankuasa ini juga perlu sedaya upaya membuat perbandingan harga di pasaran bagi memastikan kadar yang dikenakan adalah berpatutan. Setelah itu, perakuan oleh Jawatankuasa Penilaian perlu dibawa kepada Pihak Berkuasa Melulus iaitu Jawatankuasa Sebut Harga Bekalan, Perkhidmatan dan Kerja Universiti untuk pertimbangan dan kelulusan.*
  - 1.4 *Jawatankuasa Sebut Harga Bekalan, Perkhidmatan dan Kerja Universiti akan meneliti dan mempertimbangkan permohonan yang dikemukakan berdasarkan perakuan yang dilakukan oleh Jawatankuasa Penilaian.*
  - 1.5 *Urusan pentadbiran kontrak selepas lantikan:*
    - a. *Surat Setuju Terima perlu dikeluarkan kepada golongan sasar ini sebagai ikatan perjanjian di antara Universiti dengan golongan sasar untuk perkhidmatan yang akan diberikan.*
    - b. *Pesanan Tempatan adalah dikecualikan kepada golongan sasar tanpa had nilai.*
    - c. *Manakala Bon Pelaksanaan dan Dokumen Kontrak adalah dikecualikan untuk perolehan ini.*